



INSURANCE AGENCY OF
BOSNIA AND HERZEGOVINA

Broj: 02-16-4-250-1/21
Sarajevo, 24.12.2021. godine

Na osnovu člana 17. Zakona o javnim nabavkama („Službeni glasnik BiH“, broj 39/14), člana 11. stav (4) Pravilnika o internim procedurama u postupcima javnih nabavki u Agenciji za osiguranje u Bosni i Hercegovini br. 02.3-02-2-62-1/17 od 23.03.2017. godine i člana 8. stav (1) Pravilnika o unutrašnjoj organizaciji Agencije za osiguranje u Bosni i Hercegovini br. 01.1-02-1/06 od 12.10.2006. godine i br. 02.3-02-2-239-1/15 od 05.08.2015. godine, direktorica Agencije za osiguranje u Bosni i Hercegovini, *d o n o s i*

O D L U K U
o usvajanju Plana nabavki za 2021. godinu
Agencije za osiguranje u Bosni i Hercegovini

1. Usvaja se Plan nabavki za 2021. godinu Agencije za osiguranje u Bosni i Hercegovini.

2. Agencija za osiguranje u Bosni i Hercegovini, kao ugovorni organ, zadržava pravo da u Planu nabavki za 2021. godinu promijeni predmet nabavke, vrstu postupka, termin pokretanja postupka, kao i procijenjenu vrijednost predmeta nabavke iz razloga utemeljenih na ekonomskim pokazateljima i opravdanim interesom za određenu nabavku. U navedenim slučajevima potrebno je da ugovorni organ obezbjedi finansijska sredstva (Budžet Agencije, odluke o privremenom finansiranju institucija za određeni period, odobrenje zahtjeva za promjenu strukture rashoda od nadležnog ministarstva).

3. Za sve nabavke predviđene Planom nabavki za 2021. godinu obavezno je donošenje odluke o pokretanju postupka javne nabavke u formi i sadržaju u skladu sa članom 18. Zakona o javnim nabavkama.

4. Sastavni dio ove Odluke je Plan nabavki za 2021. godinu koji sadrži podatke o predmetu nabavke, jedinstvenom rječniku javne nabavke, procijenjenoj vrijednosti nabavke, okvirnom terminu pokretanja postupka, odnosno zaključenja ugovora i izvoru finansiranja.

5. Odluka stupa na snagu danom donošenja.

6. Stupanjem na snagu ove Odluke stavlja se van snage Odluka o usvajanju Plana nabavki za 2021. godinu Agencije za osiguranje u Bosni i Hercegovini br. 02-16-4-212-1/21 od 15.10.2021. godine.

Образложење

Direktorica Agencija za osiguranje u Bosni i Hercegovini (u daljnjem tekstu: Agencija) je donijela Plan nabavki za 2021. godinu br. 02-16-4-212-2/21 od 15.10.2021. godine.

U međuvremenu, Agencija je 24.11.2021. godine Ministarstvu finansija i trezora Bosne i Hercegovine, podnijela zahtjev za prestrukturiranje rashoda budžeta u iznosu od 8.000,00 KM ili 1.67 % ukupno odobrenih rashoda za 2020. godinu (478.000 KM), koji se uzimaju kao

osnov za finansiranje institucija u periodu privremenog finansiranja institucija Bosne i Hercegovine u 2021. godini.

Traženo je povećanje budžetskih pozicija u okviru odobrenih rashoda za 2021. godinu, koje bi se odnosilo na sljedeće ekonomske kategorije:

- 613400 "Nabavka materijala" u iznosu od 3.000 KM;
- 613900 "Ugovorene i druge posebne usluge" u iznosu od 5.000 KM.

Takođe, predmetnim zahtjevom traženo je da se umanjeno odnosi na sljedeće ekonomske kategorije:

- 613100 "Putni troškovi" u iznosu od 1.000 KM;
- 613600 "Unajmljivanje imovine i opreme" u iznosu od 1.000 KM;
- 613700 "Izdaci za tekuće održavanje" u iznosu od 4.000 KM;
- 821300 "Nabavka opreme" u iznosu od 2.000 KM.

Po podnesenom zahtjevu, Ministarstvo finansija i trezora Bosne i Hercegovine je svojom Odlukom o prestrukturiranju rashoda broj: 05-16-2-8902-2/21 od 01.12.2021. godine (u daljnjem tekstu: Odluka o prestrukturiranju rashoda) odobrilo prestrukturiranje rashoda u okviru ukupnog iznosa odobrenog u budžetu budžetskog korisnika, Agencija u ukupnom iznosu od 8.000 KM. S tim u vezi, na kategoriji "Tekući izdaci", redni broj 6. "Nabava materijala" odobren je iznos od 3.000 KM (sa PDV-om), odnosno 2.564,10 KM (bez PDV-a). Od ovog iznosa, Agencija planira rasporediti finansijska sredstva na način:

- Kompjuterski materijal (uključujući i tonere) u iznosu od 900 KM (sa PDV-om), odnosno 769,23 (bez PDV-a).
- Kancelarijski materijal u iznosu od 1.100 KM (sa PDV-om), odnosno 940,17 (bez PDV-a);
- Auto gume u iznosu od 800 KM (sa PDV-om), odnosno 683,76 KM (bez PDV-a) i
- Sitan inventar (usisivač) u iznosu od 200 KM (sa PDV-om), odnosno 170,94 (bez PDV-a).

U skladu sa Odlukom o prestrukturiranju rashoda, troškovi prevoza u inostranstvu javnim sredstvima (avio karte) se umanjuju za 1.000 KM (sa PDV-om), odnosno za 854,70 (bez PDV-a).

Shodno navedenom, korigovana je procijenjena vrijednost nabavke kancelarijskih potrepština, kompjuterske opreme i potrepština i tonera. Osim navedenog, korigovana je procijenjena vrijednost nabavke avionskih karata. Takođe, Plan nabavki za 2021. godinu dopunjen je sa nabavkom auto guma i usisivača.

Takođe, došlo je do potrošnje određenih sredstava na pojedinim vrstama robe i uslugama iz Plan nabavki za 2021. godinu br. 02-16-4-212-2/21 od 15.10.2021. godine.

Shodno navedenom, a u skladu sa: Odlukom o privremenom finansiranju institucija Bosne i Hercegovine i međunarodnih obaveza Bosne i Hercegovine za period januar-mart 2021. godine („Službeni glasnik BiH“, broj 1/21), Odlukom o privremenom finansiranju institucija Bosne i Hercegovine i međunarodnih obaveza Bosne i Hercegovine za period april-juni 2021. godine („Službeni glasnik BiH“, broj 22/21), Odlukom o privremenom finansiranju institucija Bosne i Hercegovine i međunarodnih obaveza Bosne i Hercegovine za period juli-septembar 2021. godine („Službeni glasnik BiH“, broj 44/21), Odlukom o privremenom finansiranju institucija Bosne i Hercegovine i međunarodnih obaveza Bosne i Hercegovine za period oktobar-decembar 2021. godine („Službeni glasnik BiH“, broj 63/21), Odlukom o

prestrukturiranju rashoda, Operativnim/dinamički planom rashoda Agencije za osiguranje u Bosni i Hercegovini za period januar-decembar 2021., a uzimajući uobzir izvršenje (potrošnju) u Agenciji, kao i potrebe za nabavkom određenih roba i usluga, sačinjen je novi Plan nabavki za 2021. godinu.

Imajući u vidu opisano činjenično stanje, odlučeno je kao u dispozitivu odluke.

Dostaviti:

1. Odjeljenje za pravne i administrativno-tehničke poslove
2. Odjeljenje za međunarodnu saradnju, finansije, statistiku i aktuarstvo
3. a/a

